

БОСНА И ХЕРЦЕГОВИНА

БРЧКО ДИСТРИКТ  
БОСНЕ И ХЕРЦЕГОВИНЕ

В Л А Д А



BOSNA I HERCEGOVINA

BRČKO DISTRIKT  
BOSNE I HERCEGOVINE

V L A D A

БУЛЕВАР МИРА 1. 76100 БРЧКО ДИСТРИКТ БиХ  
ТЕЛЕФОН: 049 240 820. ФАКС: 049 217 142

www.bdcentral.net

БУЛЕВАР МИРА 1. 76100 БРЧКО ДИСТРИКТ БиХ  
ТЕЛЕФОН: 049 240 820. ФАКС: 049 217 142.

**Broj predmeta:** 48-000250/20  
**Broj akta:** 01.11-1227MD-297/20  
Datum, 1.12.2020. godine  
Mjesto, Brčko

Na osnovu člana 52. Statuta Brčko distrikta Bosne i Hercegovine – prečišćeni tekst („Službeni glasnik Brčko distrikta BiH“, broj 2/10), člana 10. i člana 11. stav (2) Zakona o Vladi Brčko distrikta Bosne i Hercegovine („Službeni glasnik Brčko distrikta BiH“, broj: 22/18 – prečišćeni tekst, 49/18, 8/19, 10/19 i 32/19), Zakona o ublažavanju negativnih ekonomskih posljedica izazvanih stanjem prirodne nesreće zbog COVID-19 u Brčko distriktu Bosne i Hercegovine („Službeni glasnik Brčko distrikta BiH“, broj 17/209) i Zakona o izmjenama i dopunama Zakona o ublažavanju negativnih ekonomskih posljedica izazvanih stanjem prirodne nesreće zbog COVID-19 u Brčko distriktu Bosne i Hercegovine („Službeni glasnik Brčko distrikta BiH“, broj 40/20), na prijedlog Odjeljenja privredni razvoj, sport i kulturu, broj predmeta: 48-000250/20 od 27. 11. 2020. godine, Vlada Brčko distrikta BiH, na 129. vanrednoj sjednici održanoj 1. decembra 2020. godine, d o n o s i

**О D L U K U**  
**О USVAJANJU PROGRAMA MJERA ZA POMOĆ PRIVREDNIM SUBJEKTIMA U**  
**БРЧКО ДИСТРИКТУ БОСНЕ И ХЕРЦЕГОВИНЕ У VEZI SA ZABRANOM RADA**  
**ZBOG PANDEMIJE IZAZVANE KORONA VIRUSOM**

**Član 1.**

Usvaja se Program mjera za pomoć privrednim subjektima u Brčko distriktu Bosne i Hercegovine u vezi sa zabranom rada zbog pandemije izazvane korona virusom.

**Član 2.**

Sastavni dio ove odluke čini Program mjera za pomoć privrednim subjektima u Brčko distriktu Bosne i Hercegovine u vezi sa zabranom rada zbog pandemije izazvane korona virusom.

**Član 3.**

Za realizovanje ove odluke zadužuju se Odjeljenje za privredni razvoj, sport i kulturu Brčko distrikta BiH i Direkcija za finansije Brčko distrikta BiH.

**Član 4.**

Ova odluka stupa na snagu na dan donošenja i bit će objavljena u „Službenom glasniku Brčko distrikta BiH“.

**DOSTAVITI:**

1. Članovima Vlade Brčko distrikta BiH,
2. Odjeljenju za privredni razvoj, sport i kulturu,
3. Direkciji za finansije Brčko distrikta BiH,
4. Kabinetu gradonačelnika,
5. Sekretaru Vlade Brčko distrikta BiH,
6. Uredu koordinatora Brčko distrikta BiH  
pri Vijeću ministara BiH,
7. Sektoru za opće poslove i strateško planiranje,
8. „Službenom glasniku Brčko distrikta BiH“,
9. Arhivi.

**GRADONAČELNIK**  
**Mr. sc. Siniša Milić**

**PROGRAM MJERA ZA POMOĆ PRIVREDNIM SUBJEKTIMA U BRČKO DISTRIKTU  
BOSNE I HERCEGOVINE U VEZI SA ZABRANOM RADA ZBOG PANDEMIJE  
IZAZVANE KORONA VIRUSOM**

**A) SVRHA PROGRAMA**

**Član 1.**

- (1) Svrha Programa je pružiti finansijsku pomoć preduzećima, preduzetnicima i poslovnim jedinicama, na području Brčko distrikta BiH, koji su prestali s radom zbog pandemije izazvane korona virusom, Naredbom Kriznog štaba broj: 02-000049/20, broj akta: 01.1-1149AD-430/20 od 20. 11. 2020. godine, počevši od 21. novembra 2020. godine do dana prestanka zabrane rada prema naredbama Kriznog štaba Brčko distrikta BiH, a s ciljem zadržavanja postojećih radnih mjesta.
- (2) Ovim programom definišu se: korisnici programa, sredstva programa, namjena i izvor sredstava, rok trajanja programa, uslovi koje treba da ispuni korisnik, postupak odobravanja, kontrole i izvještavanja.
- (3) Djelatnosti koje su obuhvaćene ovim programom su sljedeće:
  - 49.31 Gradski i prigradski kopneni prevoz putnika
  - 49.39 Ostali kopneni prevoz putnika, d.n
  - 55.10 Hoteli i sličan smještaj
  - 55.90 Ostali smještaj
  - 56.10 Djelatnosti restorana i ostalih objekata za pripremu i usluživanje hrane
  - 56.30 Djelatnosti pripreme i usluživanja pića
  - 92.00 Djelatnosti kockanja i klađenja
  - 93.13 Fitnes centri.
- (4) Preduzeća, preduzetnici i poslovne jedinice kojima ugostiteljska djelatnost ili druga djelatnost zabranjena naredbom Kriznog štaba nije osnovna djelatnost, imaju pravo na naknadu isplaćene bruto plate srazmjerno broju radnika zaposlenih u djelatnosti, čiji je rad zabranjen.

**B) KRITERIJI ZA RASPODJELU SREDSTAVA**

**Član 2.**

- (1) Pravo na korištenje subvencije za nadoknadu isplaćene bruto plate u periodu zabrane rada (počevši od 21. novembra 2020. godine do dana prestanka zabrane rada prema naredbama Kriznog štaba Brčko distrikta BiH) imaju preduzeća, preduzetnici i poslovne jedinice koji:
  - a) imaju sjedište u Brčko distriktu BiH;
  - b) su registrovani u skladu sa zakonima Brčko distrikta BiH;
  - c) registrovanu djelatnost obavljaju na području Brčko distrikta BiH;
  - d) imaju zabranu rada prema naredbama Kriznog štaba Brčko distrikta BiH;
  - e) su obračunali i isplatili bruto plate zaposlenim radnicima zaključno za mjesec oktobar 2020. godine.
- (2) Pravo na korištenje subvencije iz stava (1) ovog člana ne mogu ostvariti preduzeća, preduzetnici i poslovne jedinice koji nisu izvršili uplatu poreza i doprinosa na plate zaključno sa oktobrom 2020. godine.

## **C) VISINA SREDSTAVA**

### **Član 3.**

- (1) Visina sredstava za subvenciju nadoknade isplaćene bruto plate u periodu zabrane rada (od 21. novembra 2020. godine do dana prestanka zabrane rada prema naredbama Kriznog štaba Brčko distrikta BiH) za preduzeća, preduzetnike i poslovne jedinice, koji ispunjavaju kriterije, utvrdit će se na osnovu zaprimljenih zahtjeva po javnom pozivu, po ovom programu srazmjerno broju dana trajanja zabrane rada.
- (2) Korisnici ovog programa koji ispunjavaju uslove i kriterije iz istog imaju pravo na nadoknadu bruto plata u visini isplaćenih bruto plata u oktobru 2020. godine.

## **D) IZVORI SREDSTAVA**

### **Član 4.**

Sredstava za subvenciju nadoknade isplaćene bruto plate u periodu zabrane rada (od 21. novembra 2020. godine do dana prestanka zabrane rada prema naredbama Kriznog štaba Brčko distrikta BiH) za preduzeća, preduzetnike i poslovne jedinice će se osigurati u budžetu Brčko distrikta BiH.

## **E) PRAVILA I PROCEDURE**

### **Član 5.**

Odjeljenje za privredni razvoj, sport i kulturu će donijeti pravila i procedure kojima će detaljno urediti način i procedure za odobravanje i isplatu subvencioniranog iznosa.

### **Član 6.**

- (1) Preduzeća, preduzetnici i poslovne jedinice će prilikom ostvarivanja prava iz ovog programa potpisati izjavu kojom pod punom krivičnom i materijalnom odgovornošću garantuju za istinitost datih podataka u izjavi koja je sastavni dio prijave.
- (2) U slučaju podnošenja neistinite izjave od strane preduzeća, preduzetnika i poslovnih jedinica, isti će biti dužni vratiti dodijeljena sredstva s pripadajućim kamatama te će biti u skladu sa zakonima Brčko distrikta BiH sankcionirani.

### **Član 7.**

Za realizaciju ovog programa zadužuju se Odjeljenje za privredni razvoj, sport i kulturu Brčko distrikta BiH i Direkcija za finansije Brčko distrikta BiH.

## **F) ROK ZA DOSTAVLJANJE IZVJEŠTAJA O UTROŠKU SREDSTAVA**

### **Član 8.**

Odjeljenje za privredni razvoj, sport i kulturu će Vladi Brčko distrikta BiH dostaviti izvještaj o realizaciji Programa mjera za pomoć privrednim subjektima u Brčko distriktu Bosne i Hercegovine u vezi sa zabranom rada zbog pandemije izazvane korona virusom.

## **G) OBJAVLJIVANJE**

### **Član 9.**

Ovaj program utroška sredstava stupa na snagu danom usvajanja i bit će objavljen u „Službenom glasniku Brčko distrikta BiH“.

**Broj predmeta: 48-000250/20**

**Brčko, 1. decembar 2020. godine**

**GRADONAČELNIK  
Mr. sc. Siniša Milić**